

Na dren Maenten auerst / schépede wy vth / in einem Schépe van Alexandria / dat in der Insulen gewintert hadde / vnde hadde einen Banner der <sup>a</sup> Zwélfen) Vnde do wy tho Siracusa quemē / bleuen wy dar dre dage. Vnde do wy vmmehér schépeden / queme wy tho Region. Vnde na einem dage / do sick de Súdewint vörhoeff / queme wy des andern dages tho Puteolon / Dar sünde wy Brödere / vnde worden van en gebiden / dat wy dar söuen dage bleuen. Vnde also queme wy tho Rome. Vnde van dar / do de Brödere van vns höreden / gingen se vth / vns entjegen / bech tho Appifer vnde Erectabern. Do de Paulus sach / danckede he Gotd / vnd freech eine thouörficht. Do wy auerst tho Rome quemē / auerantwerdede de Vnderhöutman de Gefangene / dēme Auersten Hönermanne. Auerst Paulus wart vorlönet tho bliuende / wor he wolde / mit einem Knygesknechte / de en warede.

**D**e geschach auerst na dren dagen / dat Paulus thosamende reep / de vörnēmen der Jöden. Do desülutigen thosamende quemē / sprach he tho en : Sy Menner leuen Bröder / Ick hebbe nictes gedan wedder vnse Volck / noch wedder de Viderliken Eide / Vnd bin doch fenelick vth Jerusalem auergegeuen / in der Römer Hende / Welckēre / do se my vörhöret hadden / wolden se my los gēuen / dewyle dat nene Drsafe des Dodes an my was. Do auerst de Jöden dar wedder sprekē / wo auct ick benödiger / my vpp den Keyser tho beropende / nicht also hedde ick myn Volck worinne tho vorklagende. Vmme der Drsafe willen / hebbe ick juw gebeden / dat ick juw sehen / vnde anspriken mochte. Wente vmme des Höpens willen Israeltis / bin ick mit dissen Keden vmmegēuen.

**S**preken auerst tho em : Wy hebben nene Schrifft emfangen van Judea / dynent haluen / Dē is dar neen Broder

gekamen / de van dy war böses vorkundiget / edder gesecht hebbe / Doch wille wy van dy hören / wat du holdest / Wente van disser Secten is vns kunt / dat er wert an allen enden wedderspraken. Vnde do se em einen Dach bestemmeden / quemen vële tho em in de Herberge / Welckēren he vrhlēde / vnde betügede dat Ryke Gades / Vnde prädigede en van Jesu / vch dem Gesette Mosi / vnde vth den Propheten / van froe morgen an / bech an den auent. Vnde etlike sellen dēme by / dat he sēde / Etlike auerst gelöueden nicht.

**D**e se auerst mit einander vneins weren / gingen se wech / also Paulus ein wort rēdede. Dat wol de hillige Geist gesecht hefft / dörch den Propheten Jaiam / tho vnser Videren / vnde gespraken : Gah hen tho dissem Volcke / vnde sprek : Mit den Ohren werde gy idt hören / vnde nicht vorkstahn / vnde mit den Ogen werde gy idt sehen / vnde nicht erkennen. Wente dat Herte disses Volckes is vorkstocket / vnd se hören swarliken mit den Oren / vnde slummeren mit ernen Ogen / Vp dat se nicht ein mael sehen mit den Ogen / vnde hören mit den Oren / vnde vorkstendich werden im Hertē / vnde sick bekeren / dat ick en hülpe. So sy idt juw kunt gedan / Dar den Heyden gesent is / disse Heil Gades / Vnde se werden en hören. Vnde do he söckes rēdede / gingen de Jöden hen / vnde hadden vële Fragendes vnder sick süluest.

Paulus auerst bleeff twe Jar in synem gemededen Huse / Vnde nam an also / de tho em inquemen / Predikede dat Ryke Gades / vnde serede van dem Heren Jesu / mit aller frymdicheit / vnuörbarden.

Luc. 2. c.

Paulus  
Predigē van  
Christo tho  
Rome.  
Gene. 3. c.  
Supr. 17. b.

D

Iesai. 6. a.

Paulus  
bliff 2. Jar  
in synem ge-  
mededen Huse.

Ende der Gescheffte der Apostele.

Paulus  
wilt tho  
Rome.  
Act. 24. c.  
c  
Act. 24. c.  
Pauli res  
tho Rome  
mit den Jö-  
den.  
Deut. 18. a.  
Act. 20.  
34.